

ამბროლაურის მუნიციპალიტეტის მერიის სამოქალაქო მრჩეველთა საბჭოს სხდომა.

ქ.ამბროლაური

2023 წლის 20 ივნისი

ოქმი N 8

სხდომას ესწრებოდნენ:

1. **ბესიკ ბაქრაძე**-ამბროლაურის მუნიციპალიტეტის ხიდიკრის ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის სოფელ კვაცხუთში,
2. **გოჩა კობერიძე**- ამბროლაურის მუნიციპალიტეტის იწის ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის სოფელ კრიხში,

3. **ნინო ლაბაძე** - ამბროლაურის მუნიციპალიტეტის ბუგეულის ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის სოფელ ბუგეულში.

4. **ივანე სხირტლაძე**- ამბროლაურის მუნიციპალიტეტის სხვავის ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის სოფელ სხვავაში,

5. **სოსო ცხვედიანი**-შპს „გეოფლაური“ -ს წარმომადგენელი;

6. **თამარ ფრუიძე**- შპს „ბარაკონი“-ის წარმომადგენელი;

ამბროლაურის მუნიციპალიტეტის მერი- ზვიად მხეიძე

ამბროლაურის მუნიციპალიტეტის მერის მოადგილე - თამარ ქევანაშვილი

ამბროლაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის ხელმძღვანელი - ირმა ფრუიძე.

ამბროლაურის მუნიციპალიტეტის მერმა სამოქალაქო მრჩეველთა საბჭოს წევრებს გააცნო საკადრო ცვლილების შესახებ. მერის მოადგილის და ადმინისტრაციული სამსახურის ხელმძღვანელის შეცვლასთან დაკავშირებით.

დღის წესრიგი:

1. ამბროლაურის მუნიციპალიტეტის ქონების საპრივატიზაციო ობიექტების გეგმა და ნუსხა.
2. სხვავის ადმინისტრაციული ერთეულის სოფელ სხვავის გაყოფა.
3. სხვადასხვა.

სხდომას უძღვებოდა ამბროლაურის მუნიციპალიტეტის მერი-ზვიად მხეიძე

დღის წესრიგით გათვალისწინებულ პირველ საკითხთან დაკავშირებით ისაუბრა ამბროლაურის მუნიციპალიტეტის მერმა ზვიად მხეიძემ. აღნიშნა, რომ ამბროლაურის მუნიციპალიტეტის ქონების საპრივატიზაციო ობიექტებს ნუსხაში განხორციელებული ცვლილებების შემდგომ ამბროლაურის მუნიციპალიტეტის მერია გეგმავს შაორის მიმდებარე 14 ერთეული არასრული სამეურნეო დანიშნულების მიწის ნაკვეთების პრივატიზებას, რაც დამატებითი შემოსავალი იქნება მუნიციპალიტეტის ბიუჯეტში და პრივატიზების შედეგად მიღებული თანხით შესაძლებელი გახდება ადგილობრივი ბიუჯეტით მოსახლეობის საჭიროების მოგვარება.

ადმინისტრაციული ერთეულის სამსახურის უფროსმა ირმა ფრუიძემ გააცნო წევრებს სოფელ სხვაგასთან დაკავშირებულ ცვლილებასთან დაკავშირებით, კერძოდ სოფლის 3 -ად გაყოფის შესახებ: ზედა სხვაგა, შუა სხვაგა და ქვედა სხვაგა, რომელი წინადადება მოწონებულია საკრებულოს მიერ. (განკარგულება N33 2023 წლის 22 მაისი).

ამბროლაურის მუნიციპალიტეტის მერის ინიციატივით სოფელ სხვაგაში გაიმართა სოფლის დასახლების საერთო კრება, მოსახლეობის მიერ გადაწყდა სოფლის 3(სამ) დასახლებად გაყოფა, რის თაობაზეც მერმა წინადადებით მიმართა საკრებულოს აღნიშნული წინადადების შესახებ: ამბროლაურის მუნიციპალიტეტის საზღვრებში მდებარე, სხვაგის დასახლებად-სოფელ ზემო სხვაგად, სოფელ შუა სხვაგად და სოფელ ქვემო სხვაგად გაყოფის თაობაზე.

ამბროლაურის მუნიციპალიტეტის საზღვრებში მდებარე, სხვაგის ადმინისტრაციული ერთეულის დასახლების-სოფელ სხვაგის გაყოფისა და სამ(3) ახალ დასახლებად-სოფელ ზემო სხვაგად, სოფელ შუა სხვაგად და სოფელ ქვემო სხვაგად შექმნისა და სახელდების თაობაზე, ამბროლაურის მუნიციპალიტეტის საკრებულომ უნდა უზრუნველყოს გეოგრაფიული ობიექტების სახელწოდებათა დადგენის, ნორმალიზების, გამოყენების, რეგისტრაციის, აღტიცხვისა და დაცვის მიზნით გეოგრაფიული ობიექტების სახელწოდებათა სფეროში მოქმედ სამთავრობო კომისიისათვის მიმართვა- შემდგომში განხორციელდება შესაბამისი პროცედურები.

ამბროლაურის მუნიციპალიტეტის მერმა- ზვიად მხეიძემ ისაუბრა მუნიციპალიტეტის სოფლის გზებზე, მიმდინარე სამუშაოებზე და შესრულებულ სამუშაოებზე. აღნიშნა რომ სოფელ სადმელში მიმდინარეობს შიდა სასოფლო გზის რეაბილიტაციის სამუშაოები. თანხა შეადგენს-3 264 000.00 ლარს..სოფელ იწაში დასრულდა გზის გარკვეული მონაკვეთის სამუშაო, რომლის ღირებულება შეადგენდა -1,180,000.00 ლარს.

სოფელ კლდისუბანში დასრულებულია სასოფლო გზების რეაბილიტაცია, რომლის თანხა შეადგენს 1212000.00 ლარს.

აღნიშნა რომ, დაიწყო სოფლებში: ხოტევი-შხივანა გზის რეაბილიტაცია, რომელიც შეამცირებს თბილისისკენ სავალ გზას, რომელიც მეტად მნიშვნელოვანია მოსახლეობისთვის.

სოფელ ჟომხაში- ტენდერში გამარჯვებული გამოვლენილია -შპს „დიდგორი“, რომელმაც უნდა დაიწყო სოფლის გაზიფიცირება.

შეეხო აგრეთვე წყლის თემას. აღნიშნა რომ წყლის პრობლემა, რომელიც სოფელ ხონჭორში საუკუნის პრობლემად ითვლებოდა, სამუშაოს დასრულება ზაფხულისთვის იგეგმება, რაც მეტად მნიშვნელოვანია მოსახლეობისთვის-- სრული საპროექტო ღირებულება შეადგენს-547347 ლარს.

მუნიციპალიტეტის მერმა ისაუბრა, რომ დასრულდა სამუშაოები ბოჭკოვანი ინტერნეტის ფართო ზოლოვანი ინფრასტრუქტურის მოწყობა და ინტერნეტი ახლო მომავალში მიეწოდება ყველა სოფელს.

აღნიშნა აგრეთვე ის, რომ ძალზე მნიშვნელოვანია ჭუთხაროზე სათხილამურო საკურორტო ზონის მოწყობა, რომ დაწყებულია ტერიტორიის შესწავლა პროექტირების მიზნით. ასევე

მოკვლეულია ტურისტული პოტენციალი, რომელიც შემდგომ დადებითად აისახება რეგიონის საკეთილდღეოდ.

ამბროლაურის მუნიციპალიტეტის მერიაში მოქმედებს პროგრამა „უსახლკარო ოჯახების საცხოვრებელი ბინის ყოველთვიური ქირით უზრუნველყოფა“, რომლითაც სარგებლობს 6(ექვსი) ოჯახი. მუნიციპალიტეტის მერმა ზვია მხეიძემ აღნიშნა, რომ სამომავლოდ იგეგმება უსახლკაროებზე სახლების აშენება, რის შედეგადაც გამოთავისუფლდება აღნიშნული (ქირის) თანხა.

მერის მოადგილემ თამარ ქევანაშვილმა აღნიშნა, რომ სახელმწიფოს გადაწყვეტილებითა და ხელშეწყობით შექმნილია ელექტრონული სივრცე, პორტალი WorkNet, რომლითაც შესაძლებელია დასაქმების კუთხით სასურველი ვაკანსიების მოძიება და შესაბამისი დასაქმება.

აზრი გამოთქვა: ნინო ლაბაძემ - ბუგეულის ადმინისტრაციულ ერთეულის სოფლებში ითხოვა ნაგვის ურნების დამატება.

სხდომა მიმდინარეობდა ინფორმაციული ფორმატით.

შეხვედრის შეჯამების შემდგომ სხდომა დახურულად გამოცხადდა, მუნიციპალიტეტის მერმა ზვიად მხეიძემ გამოთქვა თხოვნა, რომ წევრები და მოსახლეობა იყოს მეტად აქტიური და წარმოადგინონ სამომავლოდ მათი მოსაზრებები და აქტივობები განსახილველად, რომელიც ხელს შეუწყობს მუნიციპალიტეტის განვითარებას სხვადასვა მიმართულებით.

მრჩეველთა საბჭოს თავჯდომარის

მოადგილე

ნინო ლაბაძე

/ ნ. ლაბაძე /

სხდომის მდივანი

ზზია მიქაუტაძე

/ ზ. მიქაუტაძე /